



KOMUNIKADO PA PRENSA

Fecha

22 Òktober 2013

Account Manager

Jhanirha Anita

Email

jhanirha.anita@gobiernu.cw

Nr.

EKSITOSO 'ISPS WORKSHOP' RIBA TERENO DI SEGURIDAT DI HAFNAN NA KÒRSOU

Willemstad – Resientemente, Minister Balborda di Ministerio di Tráfiko, Transporte i Planifikashon Urbano huntu ku Outoridat Marítimo di Kòrsou a organisá un eksitoso 'ISPS Workshop' tokante seguridat den hafnan di Kòrsou.

ISPS Code ta para pa 'International Ship and Port Security Code'. Esaki ta un lei di e Organisashon Mundial Marítimo (IMO) ku ta stipulá medidanan pa alsa seguridat di barkunan i hafnan rònt mundu.

Meta di e workshop aki tabata pa 1) haña un bista di tur e retonan ku tin aktualmente pa loke ta trata seguridat di nos hafnan, 2) di e forma aki prepará leinan, proseduranan i reglanan nobo riba e tereno aki i, 3) prepará un programa di training i ehersisionan pa 2014 pa asina alsa seguridat di nos hafnan.

Durante di e workshop, tabata tin partisipashon di ofisialnan enkarga ku seguridat di e fasilidatnan di haf manera; Curaçao Ports Organization, 'Havenveiligheids Inspectie', Departamentu di Asuntunan Hurídiko di Gobièrnu, Organisashon di Maneho di Ministerio di Tráfiko, Transporte i Planifikashon Urbano, Kuerpo Polisial di Kòrsou, Kuerpo di Bombero di Kòrsou i Warda Kosta.

E workshop a kana sumamente bon i Minister Balborda ta satisfecho ku e resultado. Workshop asin'aki ta trese tur e aktornan di mas importante, pa loke ta seguridat di haf, huntu pa asina hasi nos pais su barku- i hafnan por ta mas sigur.

Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su página di Facebook 'Earl W. Balborda, Minister VVRP'.